

苍梧总督 军门志

【明】凌云翼

【明】刘尧海

重修


【明】应橧 辑

赵克生 李燃 标点

西江历史文献丛书

第一辑

主编 西江历史文化研究院



岳麓书社

西江历史文献丛书

第 辑 主编 西江历史文化研究院

苍梧总督 军门志

【明】凌云翼

【明】刘尧海 重修

【明】应櫰 辑

赵克生 李燃 标点

E244.8
6

岳麓书社·长沙

图书在版编目(CIP)数据

苍梧总督军门志/(明)应槲辑;(明)凌云翼,(明)刘尧海重修;

赵克生,李燃标点. —长沙:岳麓书社,2015.3

(西江历史文献丛书.第1辑)

ISBN 978-7-80761-846-1

I. ①苍... II. ①应... ②凌... ③刘... ④赵... ⑤李...

III. ①军事史—苍梧县—明代 IV. ①E294.8

中国版本图书馆 CIP 数据核字(2015)第 029237 号

CANGWU ZONGDU JUNMENZHI

苍梧总督军门志

辑:[明]应 槲

重 修:[明]凌云翼 [明]刘尧海

标 点:赵克生 李 燃

主 编:西江历史文化研究院

责任编辑:胡宝亮

责任校对:舒 舍

封面设计:吴颖辉 贺红梅

岳麓书社出版发行

地址:湖南省长沙市爱民路47号

直销电话:0731—88804152 88885616

邮编:410006

岳麓书社网址:www.yueluhistory.com

岳麓书社天猫网:http://lzfts.tmall.com

2015年3月第1版第1次印刷

开本:890×1240 1/32

印张:15.375

字数:428千字

ISBN 978-7-80761-846-1/E·22

定价:79.00元

承印:虎彩印艺股份有限公司

如有印装质量问题,请与本社印务部联系

电话:0731—88884129

苍梧总督军门志序（一）^①

大司马临武刘公总督两广之明年，既平百粤诸寇，境内底宁，乃取苍梧督府旧志重修之。志成，以属之广东藩省梓行焉。于是，东藩长李、王两公者使使遗书林子，请为序。林子得书，叹曰：“嗟乎！夫人臣在外竭忠宣猷，以计安疆宇，保惠元元，扬威绝域之表者，岂独其兵力胜哉？其所建置者重，而其所垂范者远也。”

夫苍梧，百粤之交，两江之会，而五岭之上游也。不有巨镇，政将安出！故自成化肇基，韩公拓地，今公复起而更新之，而天下称雄焉。由是东征西伐，方行数千里可以传檄而致，何者？其地形便也。夫志者，礼乐刑法之书，天文地里^②人事之纪也。今制，一统有志，郡国有志。而梧自开府以来，志或未备，非所以重节镇，肃边防也。故自应公创造，凌公载辑，今公复起而增定之，而天下称文焉。由是，往古来今，上下数千年可以展卷而得，何者？诚集之众思，参之舆议，不以己与之者也。初，公甫至镇，会土州诸夷互有侵疆之讼，争持不能决，公乃手阅近志、图籍无考，寻于故志中得之，一诂遂服。然志固残阙，甚至莫可摸索，于是督府掌固始议纂修事，竟以成书。其宏纲要领，条分缕析，大抵多公所裁定，而式廓日增，重兵棋布，与夫金石之铭、山海之书靡不备载，诚哉一代之典章，一方之文献，是足以传矣。乃为之序曰：“夫志，识其大者也，余请大之。方二广未靖，裹赍以荐，假节钺而西，六军四出，诸蛮悉平，粤人至今号神威焉，何其壮也。思田之役，王文成起自山中，疾驰至军，以抚有降众，还袭断藤八寨，剪之为置郡县，去

①序文编号为整理者所加。

②里，通“理”。

又何其盛也！古田震矣，八寨再张，龙源、绿水诸巢又稍稍复炽矣，乃刘司马移镇自江，不崇朝而次第芟夷之，可谓振千古之英风，耀王、韩之芳烈矣。此其尤彰明较著者，余故表而出之，见今昔势异而豪杰之功用不殊也。抑犹有大者，盖苍梧启镇，三府鼎立，要在协恭体国，虑至深远也。顾久之浸失其初矣，或镇兵两府稍不得人，即不免于牵制之患。至我肃皇之朝，始用庭臣议，先后厘革，自此遂罢镇兵不复设，然后权归制府而兵乐为用。呜呼！此公之所以能成功也欤，此志之所为不可以已也欤，后之览者其亦有考于斯。

万历辛巳秋九月吉，治生潮阳林大春顿首拜序。

苍梧总督军门志序（二）

嘉靖三十年，遂昌应公以兵部侍郎来总两广军务。明年，经武纬文，薙耨夷丑，以藩屏民，几无事矣，乃搜故事，为《苍梧总督军门志》，兵防八卷，舆图三卷，讨罪五卷，纪略五卷，奏议五卷，开府历宦、敕制、操法、赏罚、事例、养士、碑文及集议各一卷。又明年，书成，以督教临辱沐，使序诸首简，沐不敏，敢不拜命。沐方少时，尝读《周礼》，未尝不废书而叹：“周公之忧后世，何其勤也。夫古之言治者未尝不以管干整理，当致力于军实、兵计之间，而著述纪录，凡以润色鸿业、备美听闻者，率废弃不讲，此岂独其日不足哉？亦展错缓急之次也。”《周礼》著周公致太平之迹，上自朝廷，以及荒遐僻陋，其广轮坟衍之形与夫华实水陆之毛，田乘、伍两、舆马、追胥之任，贡而甸都、沟遂、秸粟、裸业之委积，其大事总乎建置、沿革，而细及于鸟兽草木，莫不洽而志焉。夫周公当居摄之初，殷顽未殄，大邑未作，破斨缺斧，衮衣绣裳，驰驱于东征西筑之间，即有所倡立以规治平，亦宜不暇悉其烦节而乃栴密齿，取定而事分之，以为成书，粗若润色粉饰者，然兹不亦非所宜亟者耶？而乌在其忧后世也。嗟夫，周公之心以为其时之所建，虽尝竭精思、定纶理，以为一代之典，而使其泯灭磨磷不及于远承其后者，无所缘而修其弊，则仁天下之意亦息。故不惟制其成而尤具之书，不惟具于当时而载师外史之所掌，尤将世世庾续而振收之，藏于王府，副在有司。当是时，制备意完，诸侯上下画一以收成效而无异议、乖缺之忧，而虽平王既东之后，齐人问罪于楚，则据先王之赐履而责其供祭；子产争承于晋则称天子班贡之旧而惧其弗给，晋楚之大嘿无以加。至孔子之时，犹称在方策而未坠于地，此其愈远而诸侯并争于战功，恶其害已而竟去其籍，虽以孟轲之贤、藤文

之志而井田之政竟委于坏烂而不足征，则废典之效著于此矣。苍梧军门两府并建，始自成化初年，然两广地延袤，徼交趾，际楚越，崇山负海，而椎发垂髻、鸟言兽窜之寇盘错而不可穷诘，戍募噍杀、屯营消缩之额待哺于馈饷。而事介二省，其宠绥、操摄、庆赏、威怀、规议互举，消长更移，流变不定，百年之间其行事上下亦得失之林也。而公乃独深念，昼讨军实而夜考职制，手搜心玩，凡其隶属、利病变化之具，述作并至，览者始昭然若指掌焉。夫受事任责之臣，亦孰不欲建布于时而率以不习其俗、不稽于故而拂其宜，初则沮，再则废。当吾前者，其制治建议，虽其智力之所及与夫事势之所限，或不能皆足以垂远若《周官》。然而，要尝竭弊思虑以求必济，而率以稍久则亡，远则渐尽而不著，故未坠之利足以辞晋楚，而废坏之后则虽著，于地如井田者亦遂泯焉，胡可谓不宜亟也！然则公之忧于后而为是也，意倘在斯乎？倘在斯乎？

嘉靖癸丑岁夏六月吉，提督广西学校按察司佥事临海王宗沐谨叙。

苍梧总督军门志序（三）

帝王以无外为治，声名政教思际乎天地之所焘持，而犹病于力之不得致。禹征有苗，南仲、召虎平江汉，皆在荆、徐之间，则百粤之远又可知也。惟其怀之以德，画为荒服，文告所及而已。后世或足以致之而德下衰，故秦出五军以开南粤，其人皆入丛薄中，与禽兽处，莫肯为秦，由始皇之心，利粤之犀象、珠玑，意不在民也。斥地辟壤，斯汉唐之君之所用心，其意虽不出于利之，而亦非纯乎德，故或畔或服，不恒厥性。由三代以还，得南粤者惟汉文帝，降附尉佗，为近于帝王之德，而经制未备。两伏波将军之师诛伐荡定，功已高于帝王，然元朔、建武之君犹出于广土之意，宜其民不恒于服而辄继以畔。盖五岭所表，荆扬之余域，为德之所怀而力有不得致者，三代以前是也。后虽力足以致而不纯于德，其迭有畔服之迹，则汉唐之事可睹已。吴、晋不奄北土，有事于南服，尤勤以其偏安之统，其事虽勤而不足多述，及宋之南，亦犹是矣。我明启土二广，岭海之间治教与中州此，虞周之所不能致、汉唐之所不能怀，兼制而得之于乎，盛矣！始遣都御史、巡抚，二广并置，或置罢不常。至以总制重其权，兼抚二广而开府于梧州，则纯皇帝朝所命都御史韩公雍始也。自是以为成制，而授钺体势之隆崇、赐履疆圻之遐广，视前世置尉建牧、五管立使之制有加。兵农吏士，庶政所出，实总文武之揆，而当陈常诘戎以垂本朝德怀力致久大之图，其经略施設，为事非一。今都御史括州应徵菴公始自为志，是书既成，而有明至德大功自耸出汉唐而追驾虞周之际。盖所以能服百粤而无畔志，由不利其土之物，有以怀之，而戡遏攘拓之方，其力至矣，则虞周以来岭海之间未有此书也。昔汉马伏波平女侧、貳，条驳越汉异律，与为约束，骆越人奉为马将军故事。李卫公抚慰峤南，所至震威武，

示礼义，民守其法不敢倍。而步鹭、吕岱、陶璜为吴、晋宣力交广，绩效尤著，惜其不能为书，载而行之后世，亦其劳烈虽壮而风猷未裕欤？然文渊、药师立功于草创，而步、吕诸人仅为偏安之国之勋臣，使诚有其书，犹不足行于远也。公以文武全才镇临斯土，有功于岭海，不啻兼是数子之劳烈，而筹谋绥馭之暇，智足以及此书，其风猷远矣。且当有明德怀力致之熙运，以显白其书，遭遇之盛又非偶然也。盖益赞于禹，数言存于《虞书》，《江汉》《常武》二诗列之《大雅》，虞周之美在焉，简册寥寥，词约而义古。公所为书，事详文繁，古今不同可知也。于以载有明之美而行之后世，则虽详且繁，其义固诗书之所称，乌在文之同不同耶？故慎中特论其所系之大者为序，以推尚是书于汉唐之表，盖非虞周之间不能有也。若其书之发凡、记事可以见公功业之所在与学术之所至，则观者自有以得之。

嘉靖癸丑秋八月望，晋江王慎中谨序。

目录

苍梧总督军门志卷之一	001
苍梧总督军门志卷之二	009
苍梧总督军门志卷之三	021
苍梧总督军门志卷之四	046
苍梧总督军门志卷之五	077
苍梧总督军门志卷之六	087
苍梧总督军门志卷之七	092
苍梧总督军门志卷之八	100
苍梧总督军门志卷之九	115
苍梧总督军门志卷之十	134
苍梧总督军门志卷之十一	151
苍梧总督军门志卷之十二	156
苍梧总督军门志卷之十三	160
苍梧总督军门志卷之十四	172
苍梧总督军门志卷之十五	177
苍梧总督军门志卷之十六	184
苍梧总督军门志卷之十七	188
苍梧总督军门志卷之十八	195

苍梧总督军门志卷之十九	202
苍梧总督军门志卷之二十	207
苍梧总督军门志卷之二十一	216
苍梧总督军门志卷之二十二	240
苍梧总督军门志卷之二十三	255
苍梧总督军门志卷之二十四	266
苍梧总督军门志卷之二十五	293
苍梧总督军门志卷之二十六	307
苍梧总督军门志卷之二十七	332
苍梧总督军门志卷之二十八	357
苍梧总督军门志卷之二十九	378
苍梧总督军门志卷之三十	409
苍梧总督军门志卷之三十一	422
苍梧总督军门志卷之三十二	435
苍梧总督军门志卷之三十三	448
苍梧总督军门志卷之三十四	462
苍梧总督军门志后序（一）	477
苍梧总督军门志后序（二）	479

苍梧总督军门志卷之一

括苍 应橧^① 编辑

临武 刘尧海^② 重修^③

开府 军器附

明兴，既平两广，各设都指挥使司、布政使司、按察司领之。永乐始于广西置镇守内臣、总兵武臣，正统末广东并置。是时，文臣有以侍郎、都御史巡抚或赞理军务者，然亦止理一省耳。太子太保、左都御史王公翱虽尝总督两广军务，而事已即归，又非永设者。迨成化元年，宪皇帝念诸夷煽乱，久弗靖，命征夷将军都督赵辅、游击将军都督和勇充总兵讨之，而以浙江左参政韩雍有文武才，升都察院右佥都御史赞理军务，太监陈瑄监督之。贼平，留瑄镇守，以雍提督军务兼理巡抚，旧两省巡抚皆革。久之，雍以地远，请于两广各复都御史、巡抚，而雍专理军务，寻以忧去。五年冬，广东

①应橧（1493—1553），字子材，号警庵，浙江遂昌人。嘉靖五年（1526）进士，授刑部主事。晚年调任兵部左侍郎兼都察院右佥都御史，总督两广军务，绥靖地方。病卒于广西梧州，赠兵部尚书。著有《大明律释义》《警庵书疏》《漱狱稿》《苍梧总督军门志》《慎独录》等。

②刘尧海（1522—1585），字君纳，晚年自号凝斋，湖广临武人。嘉靖三十二年（1553）进士，任新喻知县，以治行高等擢南京刑科给事中。巡抚福建时，以御倭、平海功，进副都御史，调江西巡抚，升兵部右侍郎兼都察院右佥都御史、总督两广军务。官终户、兵二部尚书，并参赞机务。著有《虚籁集》《岭南议》《留垣吟稿》《凝斋文集》《临武志》。

③原书每卷首均有此段文字，今仅在此处保留。

巡按监察御史龚晟，按察司佥事陶鲁、林锦奏言：“两广事不协一，故盗日益炽。宜设大臣提督兼巡抚，而梧州界在两省之中，宜开府焉。”于是，起复雍为右都御史，总督两广军务，兼理巡抚，平江伯陈锐挂征蛮将军印充总兵官，与瑄开府于梧，两省巡抚都御史复革。自是而两广兵权悉归于三府矣。正德十四年，武皇帝有总督天下兵马之号，改总督为提督，今因之。

○嘉靖四十五年，因广东山海盗起，添设巡抚，仍复总督旧衔，兼巡抚广西。隆庆四年，广东巡抚议革，又改提督，兼巡抚广东。万历三年，从军门殷正茂题请，复总督，兼抚如旧。

总督府。总督都御史居之，成化六年建。在梧州府城东北，正堂五楹，堂之前为仪门三楹，左右各为耳房；大门三楹，堂之后为穿廊，又后为楼五楹。嘉靖二年都御史张嶺重建，万历八年兵部右侍郎刘尧海重建。楼之后为退食堂，堂之东北为燕喜堂，西北为友清堂。都御史韩雍建，万历八年兵部右侍郎刘尧海重建。又西北为燕息堂，二层，层各五楹。嘉靖三十二年侍郎应槩建。退食堂后又为堂二层，层各五楹，左右各厢房一。万历四年总督凌云翼建。门之前有坊，南曰“节制两藩”，东曰“岭海肃清”，西曰“民物安阜”。燕乐堂在总督府西，二层，层各三楹，左右各为耳房，西南隅为大门。嘉靖二十八年提督侍郎欧阳必进建。

总镇府。总镇太监居之，成化六年建。在梧州府城东南，正堂五楹，东西厢房、椽房十，穿廊一楹，左右各为耳房，后堂五楹，仪门、大门各三楹。堂东有室曰“静菴”。嘉靖十八年总镇裁革，改名岭表书院，嘉靖三十一年改为察院行台。

总兵府。总兵、侯伯居之，成化六年建。在总督府右，正堂五楹，东西厢房、椽房十、穿廊一楹，左右各为耳房。堂东为筹边亭，西为双秀亭。门之外有坊，南曰“威扬百粤”，北曰“节制三军”。嘉靖四十五年总兵裁革，今改为总督西府。

总府。为三府会议号令之所，成化六年建。在梧州府城中高阜，总督府之东南隅。正堂五楹，后为穿廊，又后为同心亭，左右各为耳房。堂之前，东西厢房各五，左为开府碑亭，右为题名碑亭。仪门三楹，门左为三司厅、将旗台；大门三楹，门之前为坊，曰“揆文奋武”。

嘉靖九年都御史林富重建。

赏功所。在总督府大门之左。

镇夷营。在南薰门内，今移总府东，坐营都指挥居之，以领两广汉、达官军。

成军营。在城北云山门外，都御史韩雍创。正德间，都御史杨旦重建，寻圯。嘉靖九年重修。

达官营。在桂江之西，都御史韩雍建，以居番落官军。

云锦营。在城外东南隅小教场东，于此牧厩官马。正德间，总督都御史张嶺建。

教场。在府城西南隅，隔江五里，将台一座，三楹；后厅一座，三楹；两廊厢房，各三楹；东三司厅一座，三楹；府厅一座，三楹；府属并县厅一座，三楹；合属官厅一座，三楹；西坐营厅一座，三楹；指挥厅一座，三楹；千百户厅一座，三楹；旗纛厅前后二座，各三楹；火神庙一座，三楹；大门一座，三楹；东西门楼各一座，三楹。

小教场。在云锦营西，系教场旧址，成化乙未设大教场，此场堙没，寻为居民所据。嘉靖二十七年，提督侍郎张岳查复，建演武亭、前厅一座，三楹；后堂一座，三楹；左右厢房各二楹。

靖夷营。在大教场西南，凡三层，层各百间。中一层，中为中军厅一座，五楹；东西小门楼各一，营房九十三间。后一层，东西各小厅一座，三楹；营房九十四间。前一层，大门楼一座，三楹；营房九十七间。街巷二道，各闸门二座。嘉靖三十一年提督侍郎应槩、总兵镇远侯顾襄建。

总督、总兵二府牙纛。各令旗十面，令牌十面，八瓣明盔一顶，青纁丝铁甲一副，青纁丝战裙一条，腰刀一把，黑漆角弓一张，连弦二条，撒袋一副（连带事件），花翎箭三十枝，大黑纛旗一面，大红纛旗一面，副红纛旗二面，串纛一根，拐纛二根，五方红旗一面，五方黄旗一面，五方蓝旗一面，五方黑旗一面，五方白旗一面，高照一根，孔雀标二根，钹枪二枝，蛇枪二枝，线枪二枝，盾枪二枝，戟枪二枝，金鼓旗二根，沙刀六张，眉刀六张，钺斧二根，铜锤二根，鬼头刀六张，铁銃六把，画角六枝，金一面，响器一副共八件，大铜一对，湾喇叭一对，直喇叭一对，锁呐一对，大鼓二面，扁鼓十二面，铜更点一个，杖鼓二面，横笛一对，夹板二副，笏板二副，九旭池一个，连铜弹铁銃全，大小枪架二个，大竹笼一个（连架），中竹笼一个（连架），大鼓箏二个，小鼓箏十二个，合共二十四四个。已上用银四十八两九钱九分一厘六毫，遇推提督总兵官，先期，都指挥使司领银置造，候至南雄府呈送。

总府铜鼓。总府大小一十四面，梧州府二十一面。铜金。大小六面。铜响

器。五十二件。小扁皮鼓。六十面。杖鼓。九架。铁盔。七千九百九十三顶。罗盔。一百一十顶。勒甲绵纱带。三十七件。纸甲。一千九百四十四副。铁甲。五百二十四副。皮甲。九十副。刽子手牌。三十二面。圆牌。一千面。虎头长牌。二百六十面。已上俱总府。棉木虎头牌。六十面。梧州府。铜佛朗机銃。大小三十一管。铜铁提銃。大小四百管。铜爪哇銃。二十七管。铜子銃。九十管。铁佛朗机銃。大小五十二管。铁小佛朗机銃。二百零五管。铁子銃。四百一十管。铁爪哇銃。三百四十一管。已上俱总府。铜銃。七口，梧州府。铁三眼銃。三百五十二把。铁手銃。八把。坐地铁銃。二口。信炮。一百口①十个。铁子銃。八百零九个。净铁大小朗机銃。一百九十八个。铅包铁大样朗机銃弹。六百零二个。铅包铁次样朗机銃弹。一百个，已上俱总府。铅包铁中样朗机銃弹。总府二千七百一十五个，梧州府二千五百个。铅包铁小样朗机銃弹。五千四百二十个。净铅小样朗机銃弹。一万一千零六十五个。净铅爪哇銃小弹。二万五百零七个。鞭枪铅弹。一千三百八十个。腰刀。一千一百二十七张。斩马刀。五十张。靶鞞刀。八十张。已上俱总府。大刀。四百三十六张。镰刀。十把。已上俱梧州府。大柴刀。（原文缺）。钩刀。（原文缺）。双鞭枪銃。九十八管。单鞭銃枪。九十九管。铜神枪銃。四百九十九把。神枪箭。五千六百七十九枝。五龙枪。一百四十四个。神机箭。一千五百八十枝。起火。一千七百枝。螺螄箭。五百枝。脚踏无弦小弩。二十五把。扁架无弦大弩。四十三张。弩药。（原文缺）。角弓。一千一百七十八张。弓弦。二千五百二十三条。铁嘴箭。二万三千六百枝。已上俱总府。锯。二百九十四把。铁斧头。七百三十一把。锄。三百三十把。锹。二百七十八把。铁提铃。一百四十九个。铁铲。十九把。大小镖蘘。二十四件。小锤。九十二把。大小铁锅。四十五口。铁肘镣。三百八十三副。铁索。六十三条。铁链。二百四十二条。铁锁连匙。二百七十二把。大铁钩。七十二个。火铃。二十把。刁斗。二百个。已上俱梧州府。红油皮撒袋。五十副。总府。布袋。一万二千一百七十个。梧州府。马鞍。三百五十一副。马靴。三百五十一副。蓝旗。五面。赤旗。五面。黄旗。五面。白旗。五面。黑旗。五面。良民村

①原文为□，下文有此种情况或字不清晰、少量缺文处，均用□表示；缺文较多处，标以“原文缺”。

分旗。一千九百面。听抚猺^①人旗。一千二百二十五面。听抚僮人旗。一千一百面。招安旗。二千四百四十面。已上俱总府，各收贮。麻索。一千条。

总督行台

一在广东会省西。正堂五楹，穿廊一楹，后堂一楹，左右耳房各三楹。天顺四年，都御史叶盛创。堂东为运筹堂，西为喜雨堂，东西厢房各三楹，仪门、大门各三楹。门外赏功所，前后六楹，左右官厅各三楹。南为官房，前后六楹。成化三年都御史韩雍建。嘉靖四十年前后堂毁，隆庆三年总督刘焘重建，万历四年总督凌云翼重修。

一在肇庆府城东。正堂五楹，穿廊一楹，后堂五楹，左右各为耳房。堂西衙二层，层各五楹。嘉靖四十三年提督吴桂芳以旧岭西分巡道改建，万历八年兵部右侍郎刘尧诲重建。堂后为广益堂，五楹；东西穿廊各七，后曰“读书楼”，堂东曰“大观楼”，楼各五楹。仪门、大门各三楹。门外，左坐营司、赏功所，右中军厅、医药局。万历五年总督凌云翼建。

历官

总镇。天顺以前，二省各置镇守内臣，而总镇两广则自瑄始。嘉靖八年始革，嘉靖十七年武定侯郭勋奏复，寻亦罢。御马监太监陈瑄。字德新，成化元年至，十一年卒。内官监太监顾恒。字阙，成化十二年至，十六年回京。司设监太监刘倜。字阙，成化十七年至，二十二年回京。内官监太监韦眷。字效忠，成化二十二年至，弘治二年回京。司设监太监王敬。字阙，弘治三年至，十七年回京。御马监太监韦经。字大纶，弘治十七年至，正德元年回京。御马监太监潘忠。字世贞，正德元年至，九年卒。内官监太监刘璟。字世明，正德十年至，十一年回京。御马监太监宁诚。字克敬，正德十一年至，十三年卒。内官监太监王堂。字时升，正德十四年至，十六年回京。印绶太监韩庆。字元吉，正德十六年至，嘉靖二年卒。内官监太监郑润。字承泽，嘉靖三年至，六年回京。内官监太监张赐。字承恩，嘉靖七年至，八年革回京。内官监太监马广。字阙，嘉靖十七年九月至，十八年闰七月复革回京。

总兵。旧有韩观、山云、武毅，皆守广西，董兴则守广东，而总兵两广则自锐

^①本书原文中有“猺”“獯”“獠”等敌视少数民族之字，径改。

始。平江伯陈锐。字志坚，合肥人。成化六年至，九年转总督漕运。平乡伯陈政。字以德，合肥人。成化九年至，二十一年卒。安远侯柳景。字时周，怀宁人。成化二十二年至，弘治二年回京。伏羌伯毛锐。字颖夫，成都人。弘治三年至，以功加太子太傅。正德二年，转总督漕运。安远侯柳文。字国章，景之子。正德三年至，五年取回京。六年再至。东宁伯焦琪。字德清，广宁人。正德五年至，是年卒。武定侯郭勋。字世臣，临淮人，加太保。正德七年至，十二年回京。抚宁侯朱麒。字文祥，夏邑人。正德十二年至，嘉靖六年回京。丰城侯李旻。字同仁，定远人，以恩加太子太傅。嘉靖七年至，八年回京。咸宁侯仇鸾。字翔卿，扬州江都籍，宁夏前卫人。嘉靖八年至，十一年回京。安远侯柳珣。字廷瑞，文之子。嘉靖十四年至，以功加少保兼太子太傅，嘉靖二十二年三月卒。平江伯陈圭。字世秉，锐之孙。嘉靖二十二年至，以功加太保兼太子太保，二十九年奏准回京养病。镇远侯顾寰。字君锡，直隶江都人。嘉靖三十年，以总督漕运镇守淮安至，三十二年复改镇守淮安。定西侯蒋傅。字希说，直隶扬州府江都县人。嘉靖三十二年至，三十四年卒。靖远伯王瑾。字汝献，直隶束鹿县人。嘉靖三十五年至，以功加太子太保，三十七年回京。丰润伯曹松。字国秀，直隶扬州府仪真县人。嘉靖三十八年至。平江伯陈王谟。字显甫，圭之子。嘉靖四十年至，四十一年以功加太子太保，四十二年二月回京。恭顺侯吴继爵。字懋德。陕西凉州人。嘉靖四十二年至，四十五年回京。是年，吏、兵二部覆都给事中欧阳一敬奏议，裁革勋臣，用流官，升都督职衔，移镇广西，以故行取恭顺回京。自此遂罢，不复设矣。

总督。按广东□□□□□□、李公棠、王公翱、叶公盛、张公□、□□□。考盛巡抚广东、广西，棠则提督广西军务，瑱鹏则巡抚广东耳，翱虽总督两广军务，事平即归，非常设，故不载。都察院右都御史韩雍。字永熙，直隶吴县人。成化元年以都察院左金都御史赞理军务，贼平，升右副都御史总督军务兼理巡抚，五年以忧去。六年开府，升右都御史总督两广军务兼理巡抚，十年致仕。都察院右都御史吴琛。字輿璧，直隶繁昌人。成化十年至，十一年卒。都察院右都御史朱英。字时杰，湖广桂阳人。成化十二年以都察院右副都御史至，十五年升右都御史，十九年回院掌印。都察院右都御史宋旻。字□□，浙江淳安人。成化二十年至，二十三年致仕。都察院右都御史屠滹。字潮宗，浙江鄞县人。弘治元年至，二年回掌院事，升吏部尚书、太子太傅，致仕。都察院右都御史秦紘。字士纓，山东单县人。弘治三年至，四年致仕，后至太子太保、户部尚书。都察院右都御